




十三州志

イ 4
1666
5





十三
弱毒



三三三

三三三

三三三



門 4
號 1666
卷 5

張謇題
省康寅
閏二月

早稻田 大學 圖書館
號 28.9.7 丈
藏 書

魏書本傳

關駟字彖陰敦煌人也祖倬有名於西土父玖爲一時秀
士官至會稽令駟博通經傳聰敏過人三史羣言經目則
誦時人謂之宿讀注王朗易傳學者藉以通經纂十三州
志行於世蒙遜甚重之常侍左右訪以政治損益拜祕書
考課郎中給文吏三十人典校經籍釐定諸子三千餘卷
加奉車都尉牧犍待之彌重拜大行遷尙書姑臧平樂平
王丕鎮涼州引爲從事中郎王薨之後還京師家甚貧敝
不免饑寒性能多食一飯至三升乃飽卒無後

十三州志序

按水經注引樂資九州記應劭十三州記又引黃義仲十三州記南史梁吳均著十二州記十六卷藝文類聚有黃恭十四州記今其書皆佚後魏敦煌關多陰纂十三州志據隨志十卷唐志則十四卷十六國春秋十卷史通雜述篇云郡書如常璩之詳審劉昫之該博能傳不朽見稱來裔又云地理書者若朱贛所采浹於九州闕駟所書殫於四國斯則言皆雅正事無偏黨顏師古漢地理志注多引之其言曰中古以來說地理者多矣或解釋經典或纂述方志競為新異妄有穿鑿安處附會頗失其真今竝不錄獨有取於闕氏可知其書之精審所惜散逸不傳他書徵引者亦復寥寥余搜香傳注都為一卷斷珪碎璧彌覺可珍云

十三州志
涼祕書考課郎中關駟篡
上博 武威張 澗輯
澗按黃義仲十三州記曰郡之言君也改公侯之封而
言君者至尊也郡守專權君臣之禮彌崇今郡字君在
其左邑在其右君為元首邑以載民故取名于君謂之
郡
成帝時河隄大壞汎濫青徐兗豫四州略徧乃以校尉王
延代領河隄謁者秩千石或名其官為護都水使者中興
以二府掾屬為之後漢書注
典屬國武帝置掌納匈奴降者也哀帝省并大鴻臚故今
復置之後漢書注
澗按前漢書西河郡美稷縣上郡龜茲縣並有屬國都

十三州志

涼祕書考課郎中關駟篡
上博 武威張 澗輯

大郡曰守小郡曰尉史記索隱

澗按黃義仲十三州記曰郡之言君也改公侯之封而
言君者至尊也郡守專權君臣之禮彌崇今郡字君在
其左邑在其右君為元首邑以載民故取名于君謂之
郡

成帝時河隄大壞汎濫青徐兗豫四州略徧乃以校尉王
延代領河隄謁者秩千石或名其官為護都水使者中興
以二府掾屬為之後漢書注

典屬國武帝置掌納匈奴降者也哀帝省并大鴻臚故今
復置之後漢書注

澗按前漢書西河郡美稷縣上郡龜茲縣並有屬國都

尉其秩比二千石

大夫皆掌顧問應對言議夫之言扶也言能扶持君父也

後漢書注 澍按大夫指光祿大中中散諫議大夫也

護烏丸擁節秩比二千石武帝置以護內附烏丸既而并於匈奴中郎將中興初班彪上言宜復此官以招附東胡乃復更置焉

後漢書注 澍按丸一作桓古字通

計偕秦漢謂諸侯翰使曰計偕偕次也晉代有計偕簿

漢書注 澍按顏師古曰計者上計簿使也郡國每歲遣詣京師上之偕者俱也令所徵之人與上計者俱來而縣次給之食後世訛誤因承此語遂總謂上計為偕計闕駟不

詳妄為解說又改偕為階失之彌遠是夕陰本文作計階也

侍御史周官即柱下史秩六百石掌注記言行糾諸不法員十五人出有所案則稱使者焉

後漢書注 謁者秦官也員十七人皆選孝廉年未五十曉解賓贊者歲盡拜縣令長史及都官府丞長史

後漢書注 澍按劉攽云縣令長下多一史字

博士秦官博通古今秩皆六百石孝武初置五經博士後稍增至十四員取聰明威重者一人為祭酒主領焉

後漢書注 武帝時置博士弟子太常擇人年十八以上儀狀端正者補焉昭帝增員滿百人宣帝倍之元帝更設員千人成帝更增員三千人

後漢書注 長相縣為侯邑則令長為相秩隨令長本秩

澗按長爲縣長相爲侯相也

將兵長史居在日南郡又有將兵司馬去雒陽九千六百

三十里

後漢書注

有秩嗇夫得假半章印綸青絲綬也鄭氏注禮記曰綸今

有秩嗇夫所佩也

後漢書注

京兆虎牙扶風都尉以涼州近羌數犯三輔將兵衛護園

陵扶風都尉居雍縣故俗人稱雍營焉西羌傳云虎牙都

尉居長安

北堂書鈔

虎賁書稱虎賁三百人言其猛怒如虎之奔赴也孝武建

元三年初置期門平帝元始元年更名虎賁郎又武帝太

初元年初置建章營騎後更名羽林以天有羽林之星故

取名焉又取從軍死事之子孫養羽林官教以五兵號曰

羽林孤兒光武中興以征伐之士勞苦者爲之故名羽林

士

太平御覽

赤水西有白玉山山有西王母堂室

太平御覽

澗按前涼錄馬岌言南山有石室王母堂珠璣鏤飾煥

若神居卽此

奄蔡粟特各有長而魏收以爲一國謬也

太平御覽

澗按漢書解詁云奄蔡卽闐蘇也魏略云西與大秦通

東南與康居接其國多貂牧畜水草周書云粟特國在

蔥嶺之西蓋古之奄蔡一名溫那沙亦以爲一國又名

粟弋又名特拘夢出大禾高丈餘子如胡豆在安息北

五千里附庸小國四百餘城太武帝時遣使鞠貢

小宛併於鄯善

寰宇記

澗按扞零城小宛國王治西北至都護治所二千五百

五十八里東與婁羌接

十三州志

三

知服齋叢書

玉門縣置長三百里石門周匝山間裁經二十里眾泉流入延興漢罷玉門關屯徙其人於此故曰玉門縣太平寰宇記

小澗按地理志注引漢罷玉門關屯徙其人於此一句

昭武蘇有臨澤亭在其東初學記

舍衛國在月氏南萬里果大如三斗杓一作盆食經曰種名

果法取好直枝內著芋魁中種之太平御覽

僧僵一作僵中國在天竺南佛寺三千餘所今一作其地有神

珠非石非玉晝夜於國中光明如日珠徑一尺五寸其色

正碧太平御覽

烏孫國嫁娶賣馬聘先令媒者與婦宿徐乃婿近太平御覽

崑崙正在西海之成地北一作東海之亥地去岸十三萬里

有弱水周回繞匝山南接積石冬圃西北接北戶之堂東

北臨大活之井西南至承淵之谷此四角大山實崑崙之

支輔也博物志

澍按孫穀古微書引十三州志支輔也句下又有云積

石圃南頭昔西王母告周穆王去咸陽三十六萬里山

高平去地三萬六千里上有三角面方廣萬里形如偃

盆上有金臺玉闕亦帝之所合天帝君所治處也

瓜州戎為月氏所逐并六國築長城西不過臨洮則秦未

有此地漢武帝後元六年分酒泉之地置敦煌郡徙邊人

以實之應劭云敦大也煌盛也故以名之後魏天興三年

涼昭王立於敦煌以子讓為之郡守分敦煌之涼興烏澤

晉昌之宜禾三縣置涼興郡焉太平寰宇記

蔥嶺以東人好淫僻故龜茲于闐置女市以收錢太平廣記

媯羌國濱帶南山西有蔥嶺餘種或虜或羌戶口甚多也

在古不立君臣無分長幼疆則分種為酋豪弱則為人附

落更相鈔暴以力為雄唯殺人償死無他禁令其兵長於山谷短於平地不能持久而果於觸突以戰死為利病終為不祥

太平寰宇記

澗按媯羌地少五穀以畜牧為業其俗氏族無定或以父名母姓為種號廣志云媯羌與北狄同其人魯鈍饒妻妾多子姓一人生子數十或至百人嫁得高貴者聘至百犢女披大雩瓊以為盛服一狗皮直數十匹

効穀縣故魚澤障

初學記

澗按前漢地理志云桑欽說孝武元封六年濟南崔不意為魚澤尉敎力田以勸效得穀因立為縣名

高昌壁故屬敦煌有長谷在東都尉居之

初學記

澗按本漢車師國之高昌壁後漢書云車師國在車師城後漢和帝永元三年班超定西域之後置戊己校尉

領兵五百人居車師前壁即高昌壁也漢武帝遣兵西討師旅頓弊其中尤困者因駐焉地執高敞人庶昌盛故立高昌壁壁有人入城其實本中州人故曰高昌為地之稱晉咸和中張駿于此立高昌郡後魏孝武時有關爽者自為高昌太守至真君中為沮渠無諱所襲因據之至和平元年為蠕蠕所併蠕蠕以關伯周為高昌王自此以後每有立者輒為人所殺其後立麴嘉為王傳國九代至智盛不循職貢唐貞觀十四年討平以其地置西州漢書云高昌之地饒漆蜜多葡萄香棗金鐵婦女以婆羅樹績白疊布

福祿城謝艾所築下有金泉味如酒有人飲此泉水見有金色從山中照水往取得金故名

括地志

澗按應劭漢官儀曰酒泉城下有金泉泉味如酒故曰

酒泉是金泉即酒泉也

淵泉縣名地多泉水故以為名在今永州晉昌縣東北漢地

澗按張奐傳注如此係十三州志原文補之地理志引

關關云地多泉水故以為名
左南津西六十里有白土城城在大河之北而為緣河濟
渡之處魏涼州刺史郭淮破羌遮塞於白土即此處矣水經注

澗按郭淮為雍州刺史此云涼州誤矣

白石縣在狄道西北二百八十五里澗水逕其北水經注

澗按漢書地理志澗水出西塞外東至枹罕入河應劭
曰故罕羌侯邑也白石山在東鄙道元曰今澗水逕其
南而不出其北也

朱圉有石鼓不擊自鳴鳴則兵起太平御覽

澗按漢地理志天水冀縣有朱圉山在縣南梧中聚

廣大阪在枹罕西北罕开在焉昔慕容吐谷渾自燕歷陰
山西馳而創居於此水經注

枹罕縣在隴西郡西二百一十里澗水在城南門前東過
也水經注

澗按地理志澗水出西塞外東至枹罕入河周地記云

枹罕即故罕开侯邑水經注澗水又東北逕石門口山
高險對崖如門峽故得名疑即皋蘭山門也

石城西一百四十里有左南城前涼張瑁從左南緣河而
截趙麻秋軍即此地水經注

石城謂之石城津在金城西北水經注

澗按河水東逕石城南謂之石城津又東南逕金城縣

故城北

左南城河水經其南故曰左南經圖

澗按張天錫討羌廉歧使掌璩向左南

安故縣在隴西郡南七十里蓋延轉擊狄道安故五谿反

羌大破之即此也水經注

澗按北堂書鈔引云安故縣在漢陽郡西南四十七里

狄道故城今日武始也洮水在城西北流水經注

澗按寰宇記引云降狄道今日武始又按狄道惠帝時

改為武始郡以狄道為降狄道

狄道西北二百八十五里有白石山太平御覽

澗按漢地理志禹貢養水所出至武都為漢師古曰氏

之所居故曰氏道地理志云狄道東有白石山

大夏縣西有故金紐城去縣四十里本都尉治水經注

澗按前涼錄張駿十八年分武始晉興廣武置大夏郡

及縣取縣大夏水為名水經注濫水西北流注於洮水

洮水右合二水左會大夏川水水出西山二源合舍而

亂流經金紐城南寰宇記有金劍故城一號金柳城疑

金柳即金紐也

允吾縣西四十里有小晉興城湟水又東與閭門河合即

浩疊河也浩讀閭故亦曰閭門水水經注

澗按一引晉興城下有為今之古鄯地六字漢地理志

浩疊水出西塞外東至允吾入湟水師古曰疊者水流

峽山岸深若門也浩音誥疾言之浩為閭耳

允吾縣西即湟水之源也水經注

澗按地理志烏亭逆水出參街谷東至枝陽入湟應劭

曰允吾音錯牙

十三州志
湟水東流逕湟中城北故小月氏之地也太平御覽

湟水東流逕湟中城北故小月氏之地也太平御覽
湟按湟水本漢破羌縣地屬金城郡漢破匈奴取西河地開湟中處月氏即此湟水俗呼湟河又名樂都水南涼禿髮烏孤始都此

湟水河在破羌縣南門前東過六合水自南破羌水自北左右翼注太平寰宇記

湟按水經注引無東過六合水以下數字寰宇記有之應劭云漢宣帝神爵二年置破羌城

西海縣寰宇記引西有卑禾羌海世謂之青海東去西平二百五十里水經注

湟按初學記引云臨羌縣西有卑禾海謂之青海

臨羌新縣在西海郡西百八十里湟水逕城南也城有東西門西北隅有子城湟水又東右合湟谿伏湟石杜蠡四

川東北流注之左會臨羌谿水水經注

湟按漢地理志臨羌西北至塞外有西王母石室僊海鹽池北則湟水所出東至允吾入河

龍夷城在臨羌新縣西三百一十里王莽納西零之獻以為西海郡治此城水經注

湟按前漢地理志引云臨羌西有卑和羌即獻王莽地為西海郡者也又按寰宇記龍夷城漢西海郡治石國西北三百里故契翁虜所治又按與姑臧縣西之龍夷城同名彼是漢戊己校尉所治地一名晏然城也西平張掖之間大月氏之別小月氏之國水經注

湟按後漢書湟中月氏胡者其王為匈奴所殺餘種分散西踰蔥嶺其弱者南入山從羌居止故受小月氏之名也一云大月氏本居敦煌祁連間至冒頓單于攻破

月氏而老上單于殺月氏王以其頭為飲器乃遠去過
大宛西擊大夏而臣之都媯水北為王庭其餘小眾不
能去者保南山羌號小月氏

西平亭北有土樓神祠

水經注

澗按水經注云湟水又東逕土樓南樓北倚山原峯高
三百尺有若削成樓下有神祠雕牆故壁存焉

金城在西平西北六十里遠

水經注

澗按應劭云初築城得金故曰金城薛瓚云金者取其
堅固也故墨子有金城湯池之言

金城郡有金城關

初學記

澗按金城關即河關在縣西南臨河積石山在西南羌
中河水行塞外東北入塞內至章武入海

金城河初與浩亶河合又與勒且河合

水經注

澗按酈道元曰湟水又東勒且谿水注之水出安夸縣
東南勒且谿北流逕安夸城東而北入湟水湟水有勒
且之名疑即此號也

黃河至金城縣謂之金城河隨地為名也

水經注

澗按湟水東流注於金城河即積石之黃河也

水經注

澗按酈道元曰按耆舊言梁暉字始娥漢大將軍梁冀
後冀誅入羌後其祖父為羌所推為渠帥而居此城水
荒民亂暉將移居枹罕出頓此山為羣羌圍迫無水暉
以所執榆鞭豎地以青羊祈山神泉涌出榆木成林北
流注于河也

安夷縣故城城有東西門在西平亭東四十里

水經注

澗按酈道元以為七十里湟水東逕安夷縣故城也

延壽縣在酒泉郡西金山在其東至玉石障是亦漢遮虜障也

太平寰宇記

澗按遮虜障路博德築李陵敗與士眾期至遮虜即此延壽城中有山出泉注池其水肥如肉汁然之如油極明但不可食此方人謂之石漆得火愈熾九州要記金山有赤彈水堪為漆用

長寧亭北有養女嶺即浩疊山西平之北山也

水經注

大樹按一引作浩疊之西山西平之北山也又按酈道元云養女北山有二源皆長湍遠發南總一水逕養女山謂之養女川

養女川亂流出峽南逕長寧亭東城有東西門東北隅有金城在西平西北六十里

太平御覽

澗按水經注文與此同不曰十三州志惟六十里作四

十里云十三州志曰六十里遠矣是酈氏本多陰說也

鹿塞在蒼松縣南十里是也

初學記

澗按蒼松屬武威郡南山松陝水所出北至楮次入海十六國春秋後涼呂光麟嘉四年以郭曆讖言改為昌松縣

秦州青水縣秦亭秦谷是也周太史儋曰始周與秦國合而別故天子邑之秦

括地志

澗按玉海引秦亭秦谷四字

居延縣屬張掖郡居延澤在東北武帝使伏波將軍路博德築遮虜障於居延城

太平御覽後漢書注

澗按居延澤古文以為流沙黑水出縣界雞山亦名多圃有娥氏女簡狄浴于彳亍之水即黑水也

平帝時金城塞外羌獻地以為西海郡光武建武中省金

城入隴西郡至是復繕修之後漢書注

澍按前涼張軌置為廣武郡至張駿分立武始郡西秦乞伏乾歸自苑川徙都南涼禿髮烏孤都廣武皆此地後魏後周竝為武始郡隨開皇九年廢郡立為蘭州取皋蘭山以為名

涼州姑臧縣東南有鷓陰縣故城因水以為名後漢書注

澍按王隱晉書此城匈奴所築名蓋藏城後人語訛為姑臧城一名臥龍城又名鸞鳥城又名翅城寰宇記鷓陰城在縣東鷓水名俗名正陰城

武威郡故城在今涼州姑臧縣西北故涼城是也後漢書注

澍按九州要記涼州古武威郡有天山黃帝受金液神丹于此

略陽道在天水郡東六十里即古冀城也魏黃初中改為

隴城以縣隸之八年廢文州縣來屬太平寰宇記

澍按郡國志略陽道屬漢陽郡有街泉亭

廉縣在富平北自昔匈奴侵漢新秦之士率為狄場故城舊壁盡從胡目水經注

澍按地理志北地有廉縣酈氏曰石門水逕廉城東

隴西西縣嶓冢山在西漢水所出南入廣漢白水水經注

澍按前漢地理志東南至江州入江過郡四行二千七百六十里

漾水出獬道東至武都入漢水經注

澍按酈道元曰許慎呂忱竝言漾水出隴西獬道東至武都為漢水不言氏道然獬道在冀之西北又隔諸川無水南入疑出獬道之為謬矣

漢漾也東為滄浪水山海經曰嶓冢之山漢水出焉而東

南流注於江然東西兩川俱出嶓冢而同為漢水者也孔安國曰泉始出為漾其猶濛耳而常璩專為漾山漾水當是作者附而為山水之殊目矣水經注

澍按酈道元曰余按山海經漾水出崑崙西北隅而南流注於醜塗之水穆天子傳曰天子自春山西征至於赤烏氏已卯北征庚辰濟於洋水辛巳入於曹奴曹奴人戲觴天子於洋水之上然川流隱伏卒難詳明地理潛閼變通無方復不可全言闕氏之非也

縣泉水一名神泉在酒泉縣一百三十里出龍勒山腹漢貳師將軍李廣利伐大宛還士眾渴乏水廣利乃引佩刀刺山飛泉涌出三軍賴以獲濟今有祠甚嚴郡侯歲謁太平寰宇記岷山無草木其西有天神洮水經其下即夏禹見長人

受黑玉書處太平御覽

疆水出陰平西北疆山一日疆川水經注

澍按洮水源出西傾山東亦曰疆臺山墊江水亦出此山南也

會水眾羌之水所會故曰會水北有白亭俗因謂之白亭水太平寰宇記

澍按漢地理志引云會水眾水所會故曰會水漢或為漾漾水出崑崙西北隅至氐道重源顯發而為漾水水經注

安陵本周之程邑也漢地理志

澍按國名記商封吳回後於程一云程伯休父卿士之采

岐山縣以郡縣道里數即隴州杜陽故城路史

扶風郡道里數卽隴州杜陽故城近之太平寰宇記

澗按毛詩譜云周原者岐山陽地屬杜陽地形險阻而

原田肥美

安陵戰國策秦昭王欲易地卽此水經注

澗按酈道元曰世祖建武十一年以封中郎將來歛歛

以征定西羌功故更名征羌也關氏謂易地非也

召陵召者高也其地丘墟井深數丈故以名焉水經注

澗按水經注召陵城內有大井徑數丈水至清深

渭水至寧陰洛水入焉卽漆沮之水也太平寰宇記

澗按水經云渭水東過寧陰縣北注洛水入焉闕駟以

爲漆沮之水也

四面積高曰雍雍有五時祠以上祠祀五帝昔秦文公田

於汧渭之間夢黃蛇自天下屬地其口止於酈衍以爲上

帝之神於是作酈時祀白帝秦宣公作密時於渭南祀青

帝靈公於吳陽作上時祀黃帝作下時祀炎帝焉獻公作

畦時于櫟陽而祠白帝漢高帝問曰天有五帝今四何也

博士莫知其故帝曰我知之矣待我而五遂立北時祀黑

帝宜爲神明之隕故立羣祠焉太平御覽

澗按水經注止引末二句

橋水北流注于渭世謂之新鄭水太平寰宇記

新鄭水逕鄭城西水上有橋東去鄭城十里北流注于渭

澗按水經注云橋水北流注于渭闕駟謂之新鄭水今

以意補

西鄭鄭桓友之所封水經注

澗按酈道元曰史記秦武公十年縣之鄭桓公友之故

邑也漢書薛瓚注言周自穆王已下都于新鄭不得以

封桓公也幽王既敗虢檜又滅遷居其地國于鄭父之
上是為鄭桓公無封京兆之文余按馬遷史記考春秋
國語世本言周宣王二十二年封庶弟友于鄭又春秋
國語竝言桓公為周司徒以王室將亂謀于史伯而寄
帑與賄于虢檜之間幽王賈于戲鄭桓公死之平王東
遷鄭武公輔王室滅虢檜而兼其土故周桓公言於王
曰我周之東遷晉鄭是依乃遷封于彼左傳隱公十一
年鄭伯謂公孫獲曰吾先君新邑于此其能與許爭乎
是指新鄭為言矣然班固應劭鄭多皇甫謐裴頡王隱
闕駟及諸述作者咸以西鄭為友之始封賢于薛瓚之
單說也

歷城本周之甘泉西地

初學記

汧水出汧縣西北亦謂之龍魚水

水經注

澗按汧水東北流歷澗注以成淵潭漲不測出五色魚
俗以為靈而莫敢采捕因謂是水為龍魚水

潼關因水得名水去關一里左傳晉侯使大夫詹瑕處瑕

以守桃林之塞即此

太平寰宇記

長蛇水出汧縣之數歷山南流逕長蛇戍東魏和平三年
築徙諸流民以邊隴寇楚水南注于渭即汧水也

澗按酈道元曰闕駟以是水為汧水焉是十三州志原

文與水經注相同也今以意補

漆水出漆縣西北至岐山東入渭

地理志注水經注

澗按禹貢正義引末云沮則不知所出又按水經注云
今有水出杜陽縣岐山北漆渠謂之漆水

契居蕃蕃在鄭西今之巒城是矣地有商山即商州上洛
也

史路

澍按水經注引云蕃邑在鄭縣西

契封商即上洛商縣也水經注

藤古文作台漢地理志

澍按藤城一名武功周為郃國后稷所封之地桓譚新論曰郃在漆鄉其民有會日以相與夜中市如不為則有災咎

梁即周南鄭邑路史注

澍按今太平寰宇記引云梁即周南郃邑也郃字訛又按郡國縣道記云梁縣西南十五里有古梁城

御宿苑有含消梨人間往往有之括地志

澍按三秦記漢武帝園一名樊川一名御宿有大梨如五升瓶落地則破其主取布囊承之

蘭池陂即古之蘭池在咸陽界始皇都長安引渭水為池

築為蓬瀛刻石為鯨長二百丈逢盜之處也括地志

河水一曰沮水以其初出沮洳故曰沮水縣亦受名焉水經注

萬年縣南有涇渭北有小河即沮水也地理志注括地志

秦長城在蒲城東五十里秦築長城即是塹洛也太平寰宇記

澍按高誘曰桃林縣西長城是也即此長城蓮勺以草受名也水經注

澍按沮水東逕蓮勺縣故城顏師古云音輦酌如淳曰蓮勺縣有鹽池縱廣十餘里

霸陵秦襄王所葬芷陽也漢文帝更名霸陵莽曰水章宋求長安志

笄頭山在潘城南水經注

澍按魏土地記云下洛城西北九十里有協陽關關道

西通代郡其水東北流歷笄頭山又云下洛城西南四十里有潘城城西北三里有歷山山上有虞舜廟

山陽有東緡縣鄒衍曰余登緡城以望宋都者也後漢世祖建武十一年封馮異長子璋為侯國水經注

澍按東緡故宋國春秋僖公二十二年齊侯伐宋圍緡廣川縣中有長河為流故曰廣川也水側有羌壘姚氏之

故居也水經注地理志

澍按應劭曰廣川縣西北三十里有歷城亭又按廣川縣在信都隨仁壽元年初立煬帝為太子避諱改長河縣

三戶鄴北五十里梁淇故縣索隱

澍按張晏曰三戶地名在梁淇西南水經注云漳水東逕三戶峽為三戶津索隱云淇當為湛按晉八王故事

云王駿伐鄴前至梁湛孟康曰在鄴西四十里今關氏作淇字又不同

女陽本汝水別流其後枯竭號曰死女水故其字無水水經注

澍按述征記齊人諺曰世治則女水流世亂則女水竭慕容超時乾涸彌載及宋武北征乃激洪流

今成武縣東南有郟城謂之北郟者也水經注

澍按太平御覽引云郟城俗謂之北郟

昌水其執平博故曰博昌後漢改千乘郡為樂安郡博昌縣仍屬焉太平寰宇記

澍按水經注引云博昌縣處執平故曰博昌又按應劭云昌水出東萊昌陽縣

周成王時薄姑與四國作亂周公滅之以封太公是以地

理志曰或言薄姑也水經注

澍按薄姑亦作蒲姑古字通薛瓚漢書注云博昌有薄

姑城

陽樂縣在當利縣東北二十里又當利縣東有陵石城太平

寰宇記

澍按樂史云陽樂在今萊州西南二十里內又云陵為

陽字之訛漢成帝封膠東共王子慶為陽石侯

貫城在蒙縣西北春秋僖公二年齊侯宋公江黃盟于貫

杜預以為貫也貫貫字相似貫在齊謂貫澤是也水經注

澍按水經注云今于此地更無他城在蒙西北惟是邑

耳考文準義貫邑明矣

壽張有蚩尤祠水經注

澍按皇覽云蚩尤冢在東郡壽張縣闕鄉城中冢高七

尺常以十月祠之有赤氣出如絳民名為蚩尤旗

蚩尤肩髀冢重聚大小與闕冢等傳言蚩尤與黃帝戰克

之于涿鹿之野身體異處故別葬焉太平御覽太平寰宇記

澍按皇覽云蚩尤冢在東平郡壽張縣闕鄉城中即封

禪書所云在東平陸監鄉也監索隱音闕

劇陽縣在陰館縣東北一百三里水經注

澍按崞川水在其縣東注灤水也

朱虛故城在青州臨朐縣東六十里丹朱游故虛故曰朱

虛括地志

朱虛東十三里有校亭祠太平寰宇記

澍按北堂書鈔注引云朱虛縣東三十里有校亭故縣

也

牟平縣在黃縣南百三十里即古腫縣也括地志

澗按史記注東萊有黃縣腫縣

山陽南平陽縣有閭丘鄉太平御覽水經注

澗按左傳杜預注平陽北有顯閭亭從征記曰杜謂顯

閭閭丘也酈道元云漆鄉東北有閭丘鄉非顯閭也

饒安縣東南二十里有童鄉亭即故章縣童字類章章縣

蓋在縣東南二十里童鄉亭太平寰宇記

澗按饒安本漢千童縣屬勃海郡後漢改為饒安縣

東陵城在歷城縣東十五里按三齊記高唐縣西南三十

里有平陵城殷帝乙所都也東平陵縣屬濟南郡宋改為

平陵縣本東陵後改為平陵太平寰宇記

古高唐城在禹城南五十里春秋襄公十九年齊夙沙衛

奔高唐以叛杜預注云高唐在祝阿縣西北此則古為齊

邑也漢書地理志平原郡有高唐則漢縣也即齊威王使

胙子治高唐之地漢古縣在平原郡南五十里太平寰宇記

澗按路史引云高唐各邑漢縣平原郡南五十里有高

唐縣

青州平原國和帝延平九年以封子懷王勝風俗與舊齊

同然吏奸倍于民給衛士吏賦狐肉稍從假錢積至萬餘

歲竟交代更無償意衛士恨恙取狐肉沃以酒從而呪之

曰狐肉狐肉尾斯尾斯身軀雖小錢多私之吏聞之恐乃

償之錢太平御覽

東安平博陵有安平故此加東地理志

澗按有菟頭山女水出東北至臨淄入鉅定孟康云紀

季以鄒入于齊今鄒亭是也

漆鄉邾邑也太平御覽

澗按杜預曰平陽東北有漆鄉又按水經注引作應劭

十三州記卽地理風俗記也

卽丘卽祝魯之音益字承讀變矣水經注

澗按漢東海郡卽丘故春秋之祝丘也

太山萊蕪縣魯之萊柞邑太平御覽

澗按左傳季孫以桃邑與孟氏易成還杞謝息辭以無

山與之萊柞

魯有東西二鄆文十二年季孫行父城諸及鄆太平御覽

澗按杜注鄆莒魯所爭者城陽姑幕縣南有員亭員卽

鄆此魯之東鄆也成十二年晉人執季孫行父于莒丘

公還待于鄆杜注魯西邑東郡廩丘縣東有鄆城此魯

之西鄆也

浮陽縣浮陽水所出東入海太平御覽

澗按應劭云浮陽縣浮水所出入海渤海往來日再與

乎陰說合樂史引云浮陽縣浮水所出東入海

高堂縣有齋隄以捍河水太平寰宇記

澗按黃河在高唐縣東四十五里

海西在琅邪開陽縣一百三十里蓋在懷仁縣西界與臨

沂接境漢故利側近是也太平寰宇記

澗按懷仁縣本漢贛榆縣地開陽縣卽春秋邶國左傳

作啟陽

澗水禹貢之淵水水經注

澗按劉澄之日新安有澗水源出縣北又有淵水未知

其源酈道元云考諸地記竝無淵水但淵澗字相似時

有字錯爲淵也故關駟地理志云禹貢之淵水是知傳

寫繆舛也

軹縣南山西曲有故向城卽周向國也傳日向姜不安于

莒而歸者矣水經注

澗按路史引云軹縣南山西曲有故向城卽周之向國也又按竹書紀年曰鄭侯使韓辰歸晉陽及向二月城陽向更名陽爲河雍向爲高平卽是城也

濮渠水首受別濟卽北濟也其故瀆自濟東北流左迤爲高粱陂陂爲方三里濮水又東逕匡城孔子去衛適陳遇難于匡者也水經注

禹貢被孟豬孟豬在睢陽縣之東北不言入而言被者明不常入也水盛方乃覆被矣水經注

闕與今梁榆城是也漢高帝八年封馮解散爲侯國水經注

三塗山在陸渾東南水經注

澗按杜預釋地曰山在縣南酈道元曰山在陸渾故城東南八十許里服虔曰三塗太行轅轅崱澗也酈元曰

或言宜爲轅轅大谷伊闕

薄城卽貫水在蒙縣西北水經注

蒙澤在己氏縣東春秋莊公十二年宋萬與公爭博殺閔公子斯澤水經注

澗按獲水逕己氏縣南東流逕于蒙澤

景亳湯都也亳本帝嚳之墟在禹貢豫州河洛之間今河南偃師城西二十里尸鄉亭是也水經注

澗按皇甫謐以爲考之事實學者失之如孟子之言湯居亳與葛爲鄰是卽亳與葛比也湯地七十里葛又伯耳封域有限而寧陵去偃師八百里不得童子饋餉而爲之耕今梁國有二亳南亳在穀北亳在蒙非偃師也

古文仲虺之誥葛伯仇餉征自葛始卽孟子之言是也梁國有二亳南亳在穀北亳在蒙湯會諸侯于北亳卽蒙

之北毫也

太平寰宇記

熟城漢之縣名在虞城縣西四十里

太平寰宇記

鄙讀若曉穉

太平御覽

澗按後漢書注鄙縣名今趙州高邑縣也鄙音火各反

濟水西至湖陸入泗也

水經注

澗按鄙道元曰濟在湖陸西而左注泗泗濟合流故地

記或言濟入泗泗亦言入濟互交通稱矣

濟水自武德入河

水經注

澗按此濟水陂水也值武德縣南至滎陽縣北東南流

入干河鄙道元曰先儒咸謂是溝為濟渠蓋濟水枝瀆

條分所在布稱亦兼丹水之目矣

滎播澤名也

水經注

澗按晉地道志云濟自大伾入河與河水門南洑為滎

澤呂忱曰播水在滎陽

武父城在濟陽縣西北鄭邑也

水經注

澗按陳畱風俗傳曰濟陽縣故宋地也竹書紀年梁惠

成王三十年城濟陽

復陽縣胡陽之樂鄉也元帝元延二年置在桐柏大復山

之陽故曰復陽也

水經注

義陽郡晉太始中割南陽東鄙之安昌平林平氏義陽四

縣置義陽郡于安昌城

水經注

澗按鄙道元云義陽郡世謂之白茅城其城圓而不方

太子建所居城父謂今亳州城父縣也

史記正義

澗按括地志引云亳州城父縣太子建所居城父也張

守節曰今亳州見有城父縣是建所守者地理志云潁

川有父城縣沛郡有城父縣此二名別耳服虔曰城父

楚北境乃是父城之名非建所守

富陂縣漢和帝永元九年分汝陰置多陂塘以灌稻故曰

富陂縣也水經注

澍按漢地理志汝南有富陂縣建武二年世祖改封平

鄉侯王霸為富陂侯

魯山魯陽縣今其地魯山是也水南注于滢滢水東逕應

城南故應鄉也應侯之國詩所謂應侯順德者也水經注

魯陽縣有湯水可以療疾湯側又有寒泉焉地執不殊而

炎涼異致雖隆火盛日肅若谷矣水經注

波水東北至定陵入汝水經注

澍按應劭云孤山波水所出也馬融廣成頌曰浸以波

澍酈道元曰波水本分三川于白亭東而俱南入滢水

夏水出沛國城父東至此合為肥水經注

澍按應劭曰夏水出城父東南至此與肥合故曰合肥

酈道元云川殊派別無沿注之理應闕二說非實證也

蓋夏水暴長旋合于肥故曰合肥也

新汲本汲鄉也宣帝神爵三年置以河內有汲故加新也

漢地理志

泗水漢興四年改泗水為沛郡理相城故以沛為小沛史記

正義

澍按地理志泗水國故東海郡武帝元鼎四年別為泗

水國

北利城在上蔡初學記

豫州有羊澗漢武帝時有白羊出谿澗中初學記

澍按郡國志吳房堂谿有白羊淵淵水舊出山羊漢武

元封二年有白羊出此淵畜牧者禱祀之初出一羊婦

人大驚拍手羊自此絕焉卽指此澗也

宏農有桃丘聚

北堂書鈔

澗按或引作應劭十三州志

頓丘在淇水南又屈逕頓丘西又東屈而西轉逕頓丘北

海玉

澗按水經注引云頓丘在淇水南又屈逕頓丘西近人

戴東原以又屈逕頓丘西六字爲衍文誤矣余疋日山

一成謂之頓丘釋名謂一頓而成丘無高下小大之殺

也詩所謂送子涉淇至于頓丘者也

輟轅道凡十二曲也今一有案字在緱氏縣東南

初學記

澗按括地志引云輟轅道凡十二曲是險道

穀城在平津大河之南魏文帝改曰河陰

括地志

亳城縣漢武帝分穀熟置春秋莊公十二年宋公子御說

奔亳者也

水經注

京師之州司隸校尉掌焉故曰司州晉受禪又都洛陽司

州不改永嘉五年劉曜王彌入京師于是司州沒胡劉聰

以洛陽爲荊州石季龍又改爲司州建武元年分司州之

河南等七郡爲洛州東晉永和五年桓元子入洛陽復置

河南郡屬司州苻堅使王猛克洛陽改司州爲豫州後秦

不改宋武帝入洛更置東垣西垣二縣仍于虎牢置司州

後魏神麌三年遣將安頡攻洛陽拔之復爲洛州太和十

七年又改洛州爲司州十九年改河南郡爲河南尹孝武

帝自洛陽遷都長安是爲西魏孝景帝自洛陽徙都鄴是

爲東魏

太平寰宇記

鞞歌紂都其俗歌謠男女淫縱猶有紂之餘風存焉

太平寰宇記

共山在共城縣北十里共伯復歸于國逍遙得意游共山之首

太平寰宇記

共城縣本共伯國也故城在縣東一百十步尚存魯連子云共伯名和好行仁義諸侯賢之周厲王無道國人作亂流王于彘諸侯奉和以行天子事至十四年厲王崩于彘共伯使諸侯奉王子靖為宣王而共伯復歸于國

太平寰宇記

共縣即共和之故國也共伯既歸帝政逍遙于共山之上山在國北所謂北共山也

澍按水經注不云是十三州志御覽引此為十三州志

澍水在頓丘西南三十里伏流至繁城西南

太平寰宇記

澍按澍淵在臨河縣東南十七里在黎州東北八十里

澍水即澍淵也一名繁淵有繁泉見寰宇記

博陵郡本一作十誤初元年蠡吾侯志八繼孝質是為孝桓帝

追尊皇考蠡吾侯翼為孝崇皇帝陵曰博陵因以為郡晉于此立博陵國後魏宣武帝景明元年改博陵為博野以地居博水之野故名

太平寰宇記

澍按後漢郡國志曰中山國蠡吾侯國故屬涿胡三省注通鑑曰博陵本蠡吾縣地皆無分置博陵郡語此云置郡未詳所據又按御覽引未句因改為博陵縣無因以為郡四字

南頓西三十里故頓子城在潁水之南故號潁陰城

路史

澍按寰宇記引無上一句號作為又按應劭云迫于陳南徙曰南頓

戰國時梁屬魏秦置三十六郡屬三川郡漢為河南郡之

梁縣也

太平御覽

武父城在濟陽縣西北鄭邑也

水經注

澗按杜注陳畱濟陽縣東有武父城

天王狩于河陽河陽別縣非溫邑也漢高帝六年封陳涓為侯國王莽之河亭也治河上河孟津河也水經注

澗按服虔賈逵曰河陽溫也而班固司馬彪袁山松晉太康地道志皆與闕氏說同蓋河陽故城在今孟縣西三十五里溫故城在今溫縣西南三十里郭緣生述征記曰踐土今治坂城酈氏云是名異春秋焉非也今河北見者河陽城故縣也在治坂西北蓋晉之溫地故羣儒有溫之論矣

張甲河東北至修縣入清漳水經注

澗按地理志張甲河首受屯氏別河于信成縣酈氏曰

張甲故瀆又東北至修縣東會清河

鳴犢河東北至修入屯氏水經注

澗按地理志河水自靈縣別出為鳴犢河水經注云東

北逕靈縣東東入鄒縣而北合屯氏瀆屯氏瀆兼鳴犢之稱也又按隨時誤以為毛氏河乃置毛州

山民城北為高榆淵又東北醋溝水出焉水在中牟北堂書鈔

澗按竹書紀年梁惠成王十六年秦公孫壯率師城上枳安陵山民者也水經注云又東北為酢溝續述征記

醬魁城到酢溝十里榆一作踰

盧氏有朱陽山因別立縣後魏太和十四年蠻人樊磨昔梁歸魏魏于今盧氏縣南百五十里立朱陽郡以樊磨為太守孝昌二年省郡大統二年又立屬東義州仍於治所置朱陽縣以屬焉太平寰宇記

澗按開山圖曰盧氏山宜五穀可避水災亦通謂之石

城山

三封縣故城在臨戎縣西百四十里漢武帝元狩三年置

水經注 澗按酈氏云河水東北逕三封故城東臨戎漢元朔五年立舊朔方郡治王莽之所謂推武也

麻渾縣有大道西北出雞鹿塞麻音羊主反後漢書注

澗按水經注河水北迤西溢于麻渾縣故城東漢武帝

元朔二年開朔方郡縣即西部都尉治有道自縣西北

出雞鹿塞王莽更郡曰溝搜縣曰極武其水積而為屠

申澤闕闕謂之麻渾澤矣又按漢書注所引十三州志

與水經注同是水經注即本十三州志為文也屠申澤

改為麻渾澤即是予陰原文矣

屠申澤今謂之麻渾澤水經注

澗按漢地理志麻渾有道西北出雞鹿塞屠申澤在其

東

原亭城城中都尉治水經注

澗按酈氏云河水又東逕原亭城南又按原亭屬九原

郡漢地理志原亭作原高中都尉作西部都尉治田

辟有鹽官

宜梁縣故城在五原西南六十里今世謂之石崖城水經注

澗按酈道元云河水東逕宜梁縣之故城南

北輿縣廣陵有輿故此加北水經注

澗按地理志雲中郡有南輿縣中都尉治故此加北

道元以闕氏之言廣陵疑太疏遠又按輿漢地理志屬

臨淮後漢屬廣陵

首陽山一名獨頭山夷齊所隱也山南有古冢陵柏蔚然

攢茂丘阜俗謂之夷齊墓也水經注

澗按雷首山與蒲坂分山有夷齊窟涑水西南流亦曰

雷水

楊氏縣北四十里有敬武亭故縣也水經注

楊氏縣在魏郡北地漢書注

澗按楊氏屬鉅鹿郡

武州縣在善無城西南百五十里北俗謂之太羅城水亦

藉稱焉水經注

澗按寰宇記作武周圖經云武周山在朔州郡西北是

縣因山為名也

善無縣南七十五里有中陵縣世祖建武二十五年置水經注

平御覽

澗按水經注云中陵縣北俗謂之北右突城王莽之遮

害也

善無縣故城王莽之陰館舊定襄郡治水經注

澗按地理志陰館縣屬雁門郡

蒲城在離石西北漢武帝置水經注

澗按蒲城即重耳所奔之處也徐廣晉紀稱劉淵自離

石南移蒲子

蒲坂堯都水經注

澗按皇甫謐曰蒲坂舜所都或言平陽及潘者也闕氏

以為堯都未詳所據地理志曰縣有堯山首山祠雷首

山在南竹書紀年魏襄王七年秦王來見于蒲坂關

富平明帝永平五年改曰厭次厭次縣本富平侯車騎將

軍張安世之封邑水經注

澗按酈道元曰按漢書昭帝元鳳六年封右將軍張安

世為富平侯薨子延壽嗣國在陳雷別邑在魏郡陳雷

風俗傳曰陳雷尉氏縣安陵鄉故富平縣也是乃安世所食矣歲入租千餘萬延壽自以身無功德何堪久居先人大國上書請減戶天子以為有讓徙封平原并食一邑戶口如故而減稅半

汾水出武州之燕京山亦一作蓋管涔之異名也初學記

澗按御覽引云其山重阜修層有草無木眾源導于南

麓之下州御覽作周誤

大行山或曰孟門蓋甚險阨初學記

澗按大行山即五行之異名也淮南子曰武王欲築宮于五行之山周公曰五行險固德能覆也內貢迴矣使吾暴亂則伐我難矣君子以為能持滿高誘云今大行山也在河內野王縣西北上黨關

傅巖在陝州河北縣界今住穴猶存後漢書注

澗按河北縣一作太陽縣猶作尚

古平周縣在汾州界休縣西五十里史記正義

令狐即猗氏也刳首在西三十里縣南對澤即猗頓之故居也水經注

澗按春秋文公七年晉敗秦于令狐至于刳首先蔑奔秦士會從之又按一引云猗音于宜反

晉陽有羊腸蟠曲在其西北九十里也太平御覽

晉水出龍山名結紕山在晉陽縣西北水經注

澗按山海經縣壅之山晉水出焉元和志晉陽縣縣壅山一名龍山在縣西南二里酈道元曰今在縣西南云在西北非也

絳水經鉅鹿縣東五十里有繚城故縣左逕安城南故信都之安城鄉也更始二年和戎卒正邳彤與上會信都南

安城鄉上大說卽此處也

水經注

下曲陽中山有上曲陽故加下耳

太平御覽

澍按酈道元日上曲陽縣本岳牧鞠宿之邑城在山曲之陽是日曲陽有下故此爲上矣又按漢書注下曲陽屬鉅鹿郡常山郡有上曲陽也

平陸吳山上有虞城舜始封穆天子登薄山寘輪之澄宿于虞是也

史路

馬邑昔秦人築城于武州塞內以備胡城將成而崩者數矣有馬馳走其地周旋反覆父老異之因依以築城城乃不崩遂名之爲馬邑其故城今朔州也

太平御覽

澍按干寶搜神記亦載此水經注引虞氏記云趙武侯于河西造大城一箱崩不就乃改卜陰山河曲而禱焉書見羣鶴游于雲中裴裒經日見火光在其下武侯日

此爲我乎卽于其處築城今雲中城是也周地圖記言張儀依龜行築成都與此同

塗山臺塗山氏思本國築以望之基猶在夏城南安邑俗名青臺上有禹祠縣東南五十五里中條山有望川夏后避夏離宮之所

路史注

澍按水經注云安邑禹都也禹娶塗山氏女思戀本國築臺以望之今城南門臺基猶存

夏禹臺在夏縣西北十五里其地禹娶塗山氏女思本國築臺以望今城南門臺基猶存夏靜與洛下人書云安邑塗山氏臺謂之青臺上有禹祠

太平寰宇記

扶柳縣東北有武陽城故縣也

水經注

漢地理志

修水出塞外柔元鎮西長川城南小山俗謂是水爲河頭

又東南于大甯郡北右注雁門水水經注

班氏縣在雁門郡西南百里北俗謂之去畱城也水經注

澍按灤水經班氏縣故城東

平邑城在高柳南百八十里北俗謂之醜寅城水經注

澍按灤水逕平邑縣故城南趙獻侯十三年城平邑也

地理志屬代又按一引北字在平字上

标氏縣在高柳南百三十里俗謂之苦力干城矣水經注

澍按标氏地理志音拳精又按灤水逕縣故城北

道人城在高柳東北八十里水經注

澍按地理風俗記初築此城有仙人游其地故因目為

城名酈氏云今城北有淵潭而不流俗謂之為平湖地

理志王莽之道仁也

當城當桓都城故曰當城漢地理志

澍按括地志引云當城在高柳東八十里縣當常山故

曰當城應劭云當桓都作城故曰當城

垣水至陽縣注于桃水經注

澍按酈道元曰垣水世謂之南沙溝即桃水也逕涿縣

與涿水合世亦以涿水為桃水又云桃水又東北與垣

水會水上承涑水于良鄉縣分桃水世謂之北沙溝應

劭云垣水東入桃

侯水南入渝水經注

澍按酈道元曰白狼水東流分為二水右水疑即渝水

也地理志云渝水首受白狼水渝水南流東屈與一水

會合世謂之檻倫水之變名耳疑即地理志所謂侯水

北入渝者也地理志又云渝水自塞外南入海

廣昌城平舒城東九十里有廣平城疑是城太平寰宇記

潞縣有潞水為冀州浸即漳水也水經注

澍按初學記引云潞水出潞縣冀水之浸寰宇記引云

潞水在縣北為冀州浸即漳水也

涿水縣在樂浪東北鑊方縣在朝鮮郡東水經注太平御覽

澍按酈道元曰蓋出其縣南逕鑊方也許慎曰涿水出

鑊方東入海一日出涿水縣又按涿水屬樂浪郡水西

至增地入海師古曰涿普大反

平舒城東九十里水經注有廣平城

澍按地理志祁沓水出平舒縣北至桑乾入灑灑一作

沽

廣平城東北百一十里有潘縣水經注

澍按路史引云潘在廣平城東北十里脫百字魏土地

記曰下洛城西南四十里有潘城城西北三里有歷山

山上有虞舜廟又城有潘泉

南皮縣章武有北皮亭故此曰南皮也王莽之迎河亭史

記惠景侯者年表云漢景帝後七年封孝文后兄子彭祖

為侯國建安中魏武禽袁譚于此城也太平御覽漢地理志

澍按地理風俗記云南皮城北五十里有北皮城

望都縣名屬中山國今定州縣也章帝改曲逆為蒲陰亦

屬中山與望都相近故城在今定相北後漢書注

澍按張晏云堯山在北堯母慶都在南登堯山見都山

故以望都為名

昌城縣漢武帝以封城陽頃王子劉差為侯國本名阜城

矣水經注

直陽城本鼓聚晉荀吳滅鼓以鳶鞮歸使涉佗守之今其

城昔陽亭是矣水經注

故安縣閭鄉易水所出至范陽入濡水水經注

澗按高誘曰易水逕故安城南城外東流酈道元曰世又

以易水為故安河易水東流而出于范陽東與濡水合

南易水逕安次安次縣南鄭縣故城北東至文安縣與滹

沱合水經注

固安為北易滹沱為南易路史注

澗按酈道元曰北易至涿郡范陽縣合北濡又竝亂流

入涑逕容城至平舒與易合又按與易合與南易合也

盧水出北平水經注

澗按酈道元曰盧奴城內西北隅有水淵而不流南北

百步東西百餘步水色正黑俗名曰黑水池或曰水黑

曰盧不流曰奴

涿郡故燕漢高帝六年置其南有涿水郡蓋氏焉水經注

涿郡南有涿水北至上谷為涿鹿河其支流入匈奴中者

謂之涿邪水藝文類聚太平寰宇記

澗按御覽入匈奴中者引作流塞外三字應劭云涿水

出上谷涿鹿縣酈道元云涿水自涿鹿東注灤水灤水

東南逕廣陽郡與涿郡分水漢高祖六年分燕置涿郡

涿鹿東北至上谷城六十里水經注

澗按魏土地記曰城北有清夷水西流也

涿郡西界代之易水水經注

澗按酈道元曰易水出代郡廣昌縣東南郎山東北又

按此易即南易也

馬城在高柳東二百四十里俗謂是水為河頭河頭出戎

方土俗變名水經注太平寰宇記

澗按修水逕馬城縣故城北酈道元曰高柳在代中其

山重巒疊巘霞舉雲高連山隱隱東出遼塞灑水東南流逕高柳縣故城北

黃龍城遼東屬國都尉治昌遼道有黃龍亭水經注太平寰宇記

遼陽在上黨西北百八十里史記正義

遼按遼陽一引作遼陽

大遼水自塞外西南至安市入于海水經注

燕太子丹遣荆軻刺秦王與賓客知謀者祖道于易水上燕丹子稱荆軻入秦太子與知謀者皆素衣冠送之于易水之上荆軻起為壽歌曰風蕭蕭兮易水寒壯士一去兮不復還高漸離擊筑宋如意和之為壯聲士髮皆衝冠為哀聲士皆流涕疑于此也水經注

遼按燕策史記俱無宋如意事惟淮南子韓非子宋玉

遂賦陶淵明周弘道詠荆軻詩與此有之一作宋意

柏人城東北孤山舜納于大麓即此山其上今猶有堯祠

焉世俗呼為宣務焉或呼為虛無山顏氏家訓

平鄉縣本秦鉅鹿郡也鉅鹿唐虞時大麓之地尚書堯試

舜百揆納于大麓麓則林之大者堯之禪舜欲使天下皆

見之故置諸侯合羣臣與百姓納之大麓之野然後以天

下授之以明已禪公也始皇二十五年滅趙以為鉅鹿郡

亦大稱也史記曰張耳與趙王歇走入鉅鹿城王離圍之

即此地也太平寰宇記

遼按路史注引云鉅鹿唐虞時大麓也堯試舜百揆納

于大麓麓者林之大者也堯亦使天下皆見之故置諸

侯合羣臣與百姓納之大麓之野然後以天下授之明

已禪之公也大陸縣有堯臺高與城等乃堯禪舜之處

始皇二十五年滅趙為鉅鹿郡縣字句與樂史所引少異又按水經注引應劭曰鹿者林之大者也尚書曰堯將禪舜納之大麓之野烈風雷雨不迷致之昭罍之玉而縣取目焉

嶧嵒山上有堯祠俗呼宣務山謂舜宣務焉或又云虛無也今在柏人城東北堯之納舜在是路史注

斥丘縣屬鉅鹿郡故城在今相州安成縣東南土地斥鹵故曰斥丘後漢書注

澍按水經注引云斥丘在魏郡東八十里又按斥丘即應劭所云斥漳也

東安陽代郡東安陽五原有安陽故此加東也漢地理志代郡故城寰宇記引云古盧植說一引有異初置築時一郡方就板幹夜自移西南五十里大澤中寰宇記引有自板幹二字

設結葦為九門于是就以為城周旋七里初學記

澍按水經注盧植言初築此城板幹一夜自移于此故代西南五十里大澤中營城自護結葦為九門于是就以為治城圓匝而不方周四十七里開九門更名其故城曰東城又按干寶搜神記云代城始築立板幹一旦亡西南板四五十里于澤中自立結葦為外門因就營築焉故其城周圍三十五丈為九門故城處呼之以為東城

沙丘秦王東巡回死于沙丘太平寰宇記

冀州之地蓋古京也人患剽悍故語曰仕宦不偶值冀州部其人剛很淺于恩義無賓序之禮懷居慳嗇古語云幽冀之人鈍如錐亦履山之險為逋逃之藪太平寰宇記

澍按寰宇記又引云黑山之險為逃逋幽藪又按漢末

賊張燕等保聚此山

渤海風俗鷲戾尚高氣力輕為奸宄

太平寰宇記

漢末大亂匈奴侵邊自定襄以西盡雲中雁門之間遂空

建安中丞相曹公集荒郡之戶以為縣聚之九原界以立

新興郡領九原等縣屬并州即此

太平御覽

平棘南有古平棘城春秋之棘邑戰國時改

路史

澍按漢初為棘蒲即左傳師及齊師衛圍鮮虞人伐晉

取棘蒲者後改為平棘

真定本名東垣河東有垣縣故此加東高帝紀曰帝高祖

十年代相陳豨反十一年豨將趙利守東垣高祖攻之不

下卒罵上城降卒罵者斬之因改曰真定屬恆山郡武帝

以為真定國後漢復為縣屬常山郡

太平寰宇記

靈壽縣本中山國地靈壽中山桓公新都世本又云中山

武公居顧桓公徙靈壽按中山武公本周之同姓其後桓

公不恤國政晉太史餘見周王王問之諸侯孰先亡對曰

中山之俗以晝為夜淫昏康樂以臣觀之中山之君其先

亡乎其後魏樂羊為文侯將攻拔中山封之靈壽史記趙

武靈王以惠文王三年滅中山遷其君尚于膚施是也

太平寰宇

蒲陰縣漢章帝巡北岳以曲逆名不善改為蒲陰縣

寰宇記

澍按隨圖經云漢高祖北征還至此大會酒酣嘆曰吾

行天下多矣唯見此地與洛陽因封陳平于此

中山治盧奴唐縣故城在國北七十五里

水經注

澍按酈道元曰酈所說北非也史記曰帝嘗氏沒帝堯

氏作始封于唐望都縣在南今此城南對盧奴故城

漢北新城縣漢書地理志云燕南得涿郡之北新城後漢

屬中山國土地河間有新城故此加北字後魏武帝永熙

二年于此置南營州改為新昌縣太平寰宇記

杼秋城在蕭縣西七十里杼秋光武封劉般為杼秋侯明

帝以屬沛太平寰宇記

澍按御覽引未有杼音紆三字

鄆音多在沛漢封周應為侯路史

澍按水經注云陂水東逕鄆縣故城南漢景帝中元年

封周應為侯國王莽更之曰單城也音多似是闕書原

文

山桑縣人俗貪僞好持馬鞭行邑故語曰沛國龍亢至山

桑詐託旅使若奔喪道遇寇鈔遂失資糧太平御覽

山桑縣北城在蒙城北三十七里輿地志云山桑漢舊縣

屬沛光武封王常為山桑侯今城內有亭墓陵阜高峻山

生于邑其亭有桑因為縣名太平寰宇記

澍按水經注云山桑故城在渦水北今城內東側猶有

山亭築立陵阜高峻非洪臺所擬又按文欽亦封山桑

侯

江水至會稽與浙江合水經注

澍按顧野王玉篇云浙江發源東陽新安之間不與岷

山之江相涉至錢塘入于海又按許慎晉灼竝言江水

至山陰為浙江則所謂江水指漸江水也虞喜志林云

今錢塘江口浙江正居江中潮水投山下折而曲一云

江有反濤水執折歸故曰浙江

慎陽本作瀆從水永平五年失印更刻遂誤以水為心地漢志

揚州後徙于陰陵太平寰宇記

澍按樂史云今濠州定遠縣界陰陵故城是也知漢末兼為揚州在吳時為重鎮晉為淮南郡東晉改為歷陽郡

蘭陵故魯次室邑其後楚取之改為蘭陵縣漢因之列女傳曰魯次室女倚柱而歎曰君老太子幼諸女笑之次室女曰君老必愚太子幼必悖愚悖之間其亂必生竟如其言次室即此也太平寰宇記

澍按即列女傳之漆室一作次室

武林山出錢水東入海太平寰宇記

澍按吳地記言縣惟浙江今無此水又按錢水當即武林水也

上虞縣有雁為民田春拔草根秋啄除其穢是以縣官禁

民不得妄害此鳥犯則有刑無赦太平御覽

澍按水經注會稽山上有禹冢昔大禹即位十年東巡狩崩于會稽因而葬之有鳥來為之耘春拔草根秋啄其穢是以縣官禁民不得妄害此鳥犯則刑無赦即本予陰之文為說

百粵有駱田太平御覽

澍按駱音架即架田亦即葑田也廣州記云交阯有駱田仰潮水上下人食其田名為駱侯諸縣自名為駱將銅印青綬即今之令後蜀王子將兵討駱侯自稱為安陽王治封谿縣後南越王尉佗攻破安陽王令二使典守交阯九真二郡即甌駱也

仁山在吉水縣東三十里仁水源出廢石陽縣側太平寰宇記

澍按吉水在縣東北十里源出永新縣東北會于贛水

故老傳云此水源出有波文成吉字亦如巴峽之水屈曲成巴字也

句踐之地南至句餘其後并吳因大城句餘章伯功以示子孫故曰句章後漢書注

澗按後漢書注云句章縣故城在今越州鄞縣西

於替縣本漢舊縣地漢志屬丹陽郡吳越春秋秦徙大越鳥語之人置替讀為潛出好布吳寶鼎元年割屬吳興郡吳錄地理志縣西替山蓋因山以名太平寰宇記

澗按樂史云舊替字無水至隨加水屬餘杭郡

比景比讀蔭庇之庇景在己下為身所庇也太平御覽

澗按如涓日日中于頭上景在己下故名一引為上有

言字

蜀之先肇于人皇之際至黃帝子昌意娶蜀山氏女生帝

嚳後封其支庶于蜀歷夏商周始稱王者縱目名蠶叢次

曰魚鳧其後有王曰杜宇稱帝號望帝自以功德高諸王

一引云杜宇當七國稱王獨杜宇稱帝于蜀乃以褒斜為前門熊耳靈關為後

戶玉壘峨嵋為城郭江潛縣洛為池澤以汶山為畜牧南

中為園苑時荆地有一死者名鼈令令一作靈其尸亡至汶山

卻是更生見望帝以為蜀相時巫山壅江蜀地洪水望帝

使鼈令鑿巫山治水有功望帝自以德薄乃委國于鼈令

號曰開明遂自亡去化為子規故蜀人聞鳴云我望帝也

太平御覽

望帝使鼈令治水而淫其妻令還帝慙遂化為子規杜宇

死時適二月而子規鳴故蜀人聞之皆起自開明以下五

葉始立宗廟時蜀有五丁力士能徙山岳每一王死五丁

輒為立大石以一有為字誌墓今石筍是也號曰筍里未有諡

號但以五行色為主故其廟稱青赤黑白帝也

太平御覽

澍按筍一引作井誤

蜀之先肇于人皇之際至黃帝子昌意娶蜀山氏女生帝
譽後封其支庶于蜀歷夏商周始稱王者縱目名蠶叢次
曰魚鳧其後有王曰杜宇稱帝號望帝自以功德高諸王
乃以褒斜爲前門熊耳靈關爲後戶玉壘峨嵋爲城郭江
潛縣洛爲池澤以汶山爲畜牧南中爲園苑時有荆人鼈
靈死其屍隨水上荆人求之不得鼈靈至汶山下復生見
望帝望帝立以爲相時巫山壅江蜀地洪水望帝使鼈靈
鑿巫山蜀得陸處望帝自以德不相若禪位于鼈靈號曰
開明遂自亡去化爲子鵲鳥故蜀人聞子鵲鳴曰是我望
帝也鼈靈或爲鼈令子鵲爲子鵲或云杜宇死子規鳴自
開明下五葉有開明帝始立宗廟時天生五丁力士能徙

山蜀王負力不爲戰備每一王死五丁輒爲立大石長三
丈重千鈞以爲墓誌今石筍是也號曰筍里未有謚號但
以五行色爲主故其廟稱青赤黑白帝也

太平寰宇記

帝顓頊高陽氏黃帝之孫昌意之子母曰昌僕亦謂之女

史記

正義

昔蜀王從卒數千

一有餘字

出獵于褒谷秦惠王亦畋于山中

恠而問之以金一筐遺蜀王及報欺之以土秦王大怒其
臣曰此秦得土之瑞也秦王未知蜀道乃刻石牛五頭置
金于尾下僞如養之者言此天牛能屎金蜀人見而信之
乃令五丁共引牛成道致之成都秦始知蜀道使張儀伐
之蜀王開明戰不勝而亡蜀今地接故金牛縣界

太平寰宇記

澍按初學記引云秦王未知蜀道乃刻石牛五頭置金

于尾下言此天牛能糞金蜀人信之乃令五丁共引牛

成道今在褒城縣界

犍為有犍為山因置犍道縣以屬焉太平寰宇記

犍為符關水南至警入江水水經注

樹按一本引云黠水出符縣南與溫水會即關水也與

警水合

枳縣在巴郡東南太平寰宇記

樹按國策蘇氏謂楚得枳而國亡者即是

胸肥縣胸音蠢肥音閏其地下溼多胸肥蟲因以名縣故

城在今夔州雲安西萬戶故城是也吳漢傳注

旄牛縣屬蜀郡前書曰旄牛所出歲貢其尾以為節旄後漢書

注

枳在涪陵郡東太平寰宇記

樹按枳秦縣即樂溫縣也

日萼水出桂陽郴縣日萼山西至湘南縣入湘水經注

樹按地理志郴縣有耒水出耒山西至湘南西入湘

大別水南出耒陽縣太山北至酃縣入湖水經注

樹按縣有酃湖中有洲洲上居民資以給釀酒甚醇美

謂之酃酒又按大別水即潯江水也耒陽屬桂陽郡

漢章帝建初二年徙鉅鹿恭王為江陵王三公上言江陵

在京師正南不可以封乃徙為安陸王太平御覽

防陵在麋地即春秋防堵也杜左傳注

樹按一引云防即防陵也麋宜作麋

江別入沔為夏水源水經注引為應劭十三州記

樹按劉澄之永初山水記云夏水古文以為滄浪漁父

所歌也

潭州有萬里沙祠西自湘川而東至東萊萬里故曰長沙

史記正義

澗按太平御覽引云西自湘江至東萊萬里故曰長沙也東方朔記云南郡有萬里沙祠自湘川至東萊地可萬里故曰長沙

漢壽縣即索縣故城漢順帝陽嘉中改從今名興水所出東入沅水經注

澗按太平寰宇記西陽山興水所出東入沅漢地理志以此水為漸水酈道元以為沅水

左傳楚人伐弦弦子奔黃軼城古弦子都也初學記定城置在古黃子國南十二里太平御覽寰宇記

澗按路史引作二十里

廬水西出長沙安成縣武帝元光六年封長沙定王子劉蒼為侯國即王莽之用成也吳寶鼎中立以為安成郡東

至廬陵入湖漢水也水經注

澗按用成漢書作思成

牂柯者江中山名也晉懷帝永嘉五年分牂柯置夜郎郡兼置克州太平御覽太平寰宇記

澗按水經注云牂柯江中兩山名也異物志云牂柯者繫船棧物也其山在海中小而高可以繫船俗人謂之越王牂柯遠望甚小石高不似山望之似為一株樹在水中也充一引作充

昔禹治洪水既畢乃乘橋車到鍾山祠上帝于北阿歸大功于九天也太平御覽

澗按此文亦見十洲記橋作躡宜禾縣屬敦煌郡晉昌名郡在後失之太平御覽

澗按後漢書注伊吾廬本匈奴中地漢既破呼衍即其

地置宜禾都尉以為屯田今伊州納職縣伊吾故城是也晉昌本漢冥安縣晉置晉昌郡及冥安縣

取慮故城在漢屬臨淮郡取如星分背陬之陬慮如公羊邾婁之婁顧野王云取慮讀為秋閭漢時汝南步游張少孤四歲母拾麥為人所賣游張後為取慮令春月按行高年至里有病嫗馬不前自下問訊乃其母也

寰宇記

澗按御覽引關駟曰取慮讀若陬閭

峴山張益雨滂沛

古詩紀

澗按峴山即襄陽后梁山出雲應驗鄉人候之白雲起定雨黃雲起則風黑雲起則多病見物類相感志

公安縣有孱陵城吳大帝封呂蒙為孱陵侯即此地也

太平寰宇記

澗按荊州記云劉備敗于襄陽南奔荊州吳孫權擢為

左將軍荊州牧鎮之時人稱備為左安軍故名其城為公安元和志云公安本漢孱陵地吳之南郡也

十三州志終

十三州志

順德龍鳳鑣校琴

知照齋叢書

三
森
記

公考元符志云公考本志...
志據重照出也驗之州人...
...

光緒十七年順德
龍氏知服齋鑄

三秦記序

杜君卿通典州郡門注辛氏三秦之類皆自述鄉國靈怪
今按此書在李唐時尚未亡徐堅初學記魏王泰括地志
章懷太子後漢書注虞世南北堂書鈔司馬彪郡國志張
守節史記正義司馬禎史記索隱皆引之梁陸澄合山海
經已來一百六十家竝多零失見存四十二家又任昉地
記增多陸本八十四家亦多零失見存唯十二家此書諒
在其中宋鞠箸錄祇太平御覽太平寰宇記二書援引尙
多余鈔撮成卷匪之篋笥以稽鄉邦故實蓋與郭憲洞冥
子年拾遺侈譚幻譎者異矣

三秦記
武威張 澍介斥甫編輯
禹鑿龍門闕伊闕決江開岷導四瀆注鑿龍門以通河鑿
岷山以開江導淮于桐柏導濟于王屋故言導四瀆
澍按此文有注未知卽辛氏原注抑後人爲之
河下龍門其流駛如竹箭駟馬追弗能及河津一名龍門
禹鑿山開門闊一里餘黃河自中流下兩岸不通車馬每
莫春之際有黃鯉魚逆流而上得過者便化爲龍
河津一名龍門巨靈迹猶存去長安九百里江海大魚俱
集門下數千不得上上則爲龍故曰暴顛龍門
澍按太平寰宇記引云河津一名龍門縣船而行兩旁
有山水陸不通魚鼈莫上故江河大魚有暴顛龍門之
困字句稍異

三秦記

辛氏纂

武威張 澍介斥甫編輯

禹鑿龍門闕伊闕決江開岷導四瀆注鑿龍門以通河鑿
岷山以開江導淮于桐柏導濟于王屋故言導四瀆

澍按此文有注未知卽辛氏原注抑後人爲之

河下龍門其流駛如竹箭駟馬追弗能及河津一名龍門

禹鑿山開門闊一里餘黃河自中流下兩岸不通車馬每

莫春之際有黃鯉魚逆流而上得過者便化爲龍

河津一名龍門巨靈迹猶存去長安九百里江海大魚俱

集門下數千不得上上則爲龍故曰暴顛龍門

澍按太平寰宇記引云河津一名龍門縣船而行兩旁

有山水陸不通魚鼈莫上故江河大魚有暴顛龍門之

困字句稍異

河津一名龍門水陸不通魚鼈之屬莫能上江海大魚薄集龍門下數千不得上上則為龍不上者魚故曰暴顯龍

門太平御覽

澍按水陸後漢書注作水險又括地志引云龍門水縣船而行兩旁有山水陸不通鼈魚集龍門下數千不得上上則為龍故曰暴顯點額龍門下

龍門山在河東界禹鑿山斷門一里餘黃河自中流下兩岸不通車馬每莫春之際有黃鯉魚逆流而上得上者便化為龍注龍門之下每歲季春有黃鯉魚自海及諸川爭來赴之一歲中登龍門者不過七十二一作二十一初登龍門即有雲雨隨之天火自後燒其尾乃化為龍矣其龍門水浚箭涌下流七里逆流三里太平廣記涇水出安定鞏那縣西笄頭山東南經新平扶風至京兆

高陵縣而入渭水合流三百里清濁不相雜一引云清濁不合東

合漆沮水至潼津入於河尚書稱導渭自鳥鼠同穴又東

會于涇又曰涇屬渭汭是也初學記

函谷關去長安四百里日入則閉雞鳴則開秦法也太平寰宇記

嶓山在長安東三百里高不知其幾千仞如半天之雲太平御覽

澍按一引仞作疊山海經云太嶓之山削成而四方高五千仞

桃林塞在長安東四百里若有車馬經過好行則牧嶓山

林下休息惡行則決河漫延不得過矣水經注二元

蒲坂出鹽池斡生莫取民爭市之北堂書鈔

長安城西有九嶷山西有杜山郡國志

澗按宋敏求引杜山下有又有畢陌西北有孝里西有白起墓

杜郵地名在咸陽西十里其地後改爲里李也史記正義

藍田有川方三十里其水北流出玉銅鐵石郡國志注

澗按水經注始皇厚葬建壙于麗之戎一名藍田其陰

多金其陽多玉酈氏以藍山爲驪山誤

子午長安正南山名秦嶺谷一名樊川褒斜漢中谷名南

谷名褒北谷名斜首尾七百里後漢書注

澗按史記索隱引云長安正南山名秦嶺谷名子午一

名樊川一名御宿樊鄉卽樊川也又宋敏求長安志引

云長安正南秦嶺嶺根水流爲秦川一名樊川

秦嶺東起商洛西盡汧隴縣互千里蓋南山之脊江河之水所由分處故嶺南之水皆謂之江嶺北之水皆謂之河

再貢
匯疏

澗按此與樂氏所引較詳不知茅瑞徵何據

秦嶺東起商洛西盡汧隴東西互八百里嶺根水北流入渭號爲八百秦川亦卽丹水所出也太平寰宇記

澗按一本引云長安正南秦嶺嶺根水流爲秦川一名

樊川

始皇作驪一作三山陵周回跨陰盤縣界水背陵障使東西

流運大石於渭北渚民怨之作甘泉之歌曰運石甘泉口

渭水不敢流千人唱萬人謳金陵餘石大如壩太平御覽

澗按關中記云運石甘泉口渭水爲不流千人一唱萬

人相鉤今陵下餘石大如篋土屋與此異疑此字句有

誤又蔡質漢儀李斯治驪山陵上書云臣所將隸徒七

十二萬人治驪山者已深已極鑿之不入燒之不難扣

之空空如下天狀帝報之日鑿之不入燒之不難其刃
行三百步乃止皇覽云墳高五十餘丈周回五里餘

麗山西有白鹿原周平王時白鹿出此原原上有狗柳堡

秦襄公時有天狗來下其上有賊天狗吠而護之故一堡

無惡心故川得厥目藝文類聚 水經 注 太平御覽

澍按水經注天狗作大狗吠而護之作有賊則狗吠之

無惡心作無患

周平王東遷之後有白鹿游此原以是得名則秦運之象

也太平寰宇記

驪山西有白鹿原昔文帝至霸陵居此臨厠指新豐路示

慎夫人太平寰宇記

澍按原引有韋昭曰高岸夾水為厠今斯原也似注文

白鹿原東有霸川川之西阪故芷陽也太平御覽 括地志

終南山其山從長安向西可二百里中有石室靈芝常有

一道士不食五穀自言太乙之精齋潔乃得見之而所居

地名曰地肺可避洪水俗相傳云山上有水神人乘船行

追之不及猶見有故漆船者秦時四皓亦隱於此山太平御覽

澍按北堂書鈔引云大虛山上有池神人常乘漆船于

其內今有故漆船在焉經典釋文引云終南山一名地

肺初學記引云終南山一名地肺可避洪水俗人云山

上有水神人乘船行追之不及猶見有故漆船者秦時

四皓亦隱於此山太平御覽又引云孤雲太乙山有水

神神人乘船今有故漆船也

太乙山西去長安二百里山之秀者也中有石室靈芝常

有一道士不食五穀自言太乙之精齋潔乃得見之其狀

如人而所居地名曰地肺可避洪水俗相傳云上有水神

人乘船行追之不可及猶見有故漆船者秦時四皓亦隱于此山

初學記

澗按一本初學記引云太乙在驪山西山之秀者也山中有石室常有一道士不食五穀自言太乙之精

長城在蒲城東五十里秦築長城

輿地志

澗按寰宇記秦孝公九年築長城簡公二年塹洛今沙苑長城是也

玉之美者曰球其次曰藍蓋以縣出美玉故名藍田

輿地志

澗按宋敏求長安志以玉之美者二句引作周禮非

太白山在武功縣南去長安三百里不知高幾許俗云武功太白去天三百孤雲兩角去天一握山川險阻黃金子午蛇盤烏權執與天通山下軍行不得鳴鼓角鳴鼓角則疾風暴雨兼至也

太平御覽古今樂錄

澗按舊本御覽無在武功縣十一字新聚御覽去天三百下有尺字誤也又一引無山川險阻四句

陳倉山在太白之西去長安八百里山上有石雞與山雞不同趙高使燒山山雞飛去而石雞不去晨鳴山頭聲聞三十里或謂是玉雞陳倉城上有神雞人取得雄者王雌者霸秦穆公得雌故霸

太平御覽

澗按不同一作不別一作各別三十里索隱引作十里謂一作言太平寰宇記引無陳倉城上有神雞數句御覽引有之又按史記正義引云太白山西有陳倉山山上有石雞

秦武公都雍陳倉城是也有石鼓山將有兵此山則名

郡國志

秦名天子冢曰長山漢曰陵故通名山陵

初學記

秦始皇作地市與死人交易令曰生人不得欺死者物市
吏告始皇云死者凌生人生人走入市門斬斷馬脊故俗
云秦地有斷馬脊太平御覽

澗按初學記引云驪山始皇陵始皇作地市生人與死
人交易市平不得欺死人云秦王地市有斷馬利疑字
有誤

麗山西北有溫水祭則得入不祭則爛人肉俗云始皇與
神女游而忤其旨神女唾之生瘡始皇怖謝之神女爲出
溫泉後人因以澆洗瘡水經注

澗按藝文類聚引云驪山西北有溫水祭則得入不祭
則爛人肉初學記引云以三牲祭之乃得人可以去疾
消病又引云神女爲出溫泉而洗除後人因以爲驗

始皇生時作閭道至驪山八十里人行橋上車行橋下今

石柱見存山上立祠名曰露臺西有溫泉俗云始皇與神
女戲不以禮女唾之則生瘡始皇怖謝神女爲出溫泉後

人因洗浴太平御覽

澗按太平寰宇記長安志引云始皇作閭道至驪山八
十里人行橋上車行橋下今石柱猶存山上立祠名露
臺與此稍異

始皇墓在驪山北有始皇祠不齋戒往卽疾風暴雨人理
欲上則杳冥失道縣西有白鹿原周平王時白鹿出郡國志注

澗按太平寰宇記引云驪山頂有始皇祠不齋戒而往
卽風雨迷道

秦始皇葬驪山牧羊豎尋羊失火燒之三月烟火不絕太平御覽

秦始皇作長池引渭水東西二百里南北二一作十里築

土為蓬萊山刻石為鯨魚長二一作百丈亦曰蘭池陂秦又有蘭池太平御覽初學記

澍按秦又有蘭池五字據宋敏求引補

蘭池陂即古之蘭池在咸陽縣界始皇都長安引渭水為長池築為蓬瀛刻石為鯨魚長二百丈逢盜之處也括地志

史記正義

澍按一引咸陽界下有二十五里四字玉海引瀛下有

山字又一引丈作尺又按史記始皇三十一年為微行

咸陽與武士四人俱夜出逢盜蘭池

荆軻入秦為燕太子報仇把秦王衣袂曰盜為秦地鬼不為燕地囚王美人彈琴作語曰三尺羅衣何不掣四面屏風何不越王乃掣衣而走得免太平御覽

澍按琴操云羅縠單衣可掣而絕八尺屏風可超而越

鹿盧之劍可負而拔與此微異又一本引掣作裂

咸陽秦所都也在九嶷山南渭水北山水俱陽故名咸陽秦自孝公惠文悼武昭襄王始皇二世竝都之始皇二十六年一天下收天下兵聚之咸陽徙天下豪富二十萬于

咸陽胡亥時閭樂為咸陽令沛公元年秦二世子嬰降漢

項羽引兵西屠咸陽殺子嬰燒秦宮室火三月不滅漢高

帝元年更名新城七年罷屬一作長安元鼎三年更名渭

城縣屬右扶風王莽改曰京城後漢省人長安宋敏求長安志

澍按北堂書鈔引甚略而宋敏求引云沛公元年又云

漢高帝元年疑文有誤

秦始皇以金陵有天子氣乃改縣名並掘鑿江湖平諸山阜處處埋寶物以厭王氣胡綜別傳

澍按胡綜別傳吳時掘得銅印一作長二尺七寸以疏

璃為蓋雕鏤之布雲母于其上開之得一白玉如意所執處皆刻龍虎及蠅形時莫能識大帝以問綜綜對云云其事見三秦記此蓋是乎今據補

中平五年分漢陽為南安郡劉昭續漢書注

長安城北有平原數百里無山川湖水民井汲巢居井深五十丈有伯夷墓人食薇可長生或曰夷齊食三年顏色如故太平御覽

澗按太平寰宇記引云長安城北有始平原數百里其人井汲巢居井深可五十丈即此原也水經注引亦稍異

長安城北有始平原長數百里其人井汲巢居井深五十丈謂之北芒巖何武葬于北芒龍薄坂太平寰宇記伯夷叔齊食薇三年顏色不變異武王戒之不食而死太平

御覽

澗按齊民要術引舍人云薺芑是伯夷叔齊所食首陽山草也其說最異又按古史考夷齊采薇首陽有婦人難之文選辯命論注夷齊采薇首陽一女子曰子義不食周粟此亦周之毛也乃不食而死列士傳武王使王摩子入山難之乃不食而死又云夷齊餓于首陽有白鹿乳之

霸城秦穆公築為霸宮漢於此置霸陵縣史記正義

澗按為霸宮當作以章霸功

龍首原起自南山東義谷澆水西岸至長樂坡西北屈曲至長樂古城西六七十里太平寰宇記

龍首山長六十里頭入渭水尾帶樊川頭高二十丈尾漸下高五六丈土赤不毛御覽引毛昔有一一作黑龍從山出秦時

飲水

御覽引

其行道

御覽引道

成土山

御覽引有故今長

以名也四字

安城卽疏山爲臺殿臺基不假板築張衡西京賦云疏龍

首以抗殿是也王莽改未央宮曰壽成室其含元殿卽龍

首山之東麓高敞爲京之最階高於平地三十餘丈南去

丹鳳門四百餘步中無間隔左右寬平東西廣百步西都

賦云漢之西都實曰長安左據函谷二嶠之阻右界褒斜

龍首之險表以太萼終南之山帶以洪河涇渭之川卽此

之形執也

太平寰宇記

澗按初學記引云龍首山長六十里頭入渭水尾達樊

川頭高二十丈尾漸下高五六丈云昔有黑龍從山南

出飲渭水其行道成土山故因以爲名又人字御覽作

至達字御覽作連山南一作南山張衡西京賦至壽成

室宋敏求引今據補

長安地皆黑壤城中今赤如火堅如石父老所傳盡鑿龍

首山土爲城

郡國志注

澗按太平御覽引云長安城中地皆黑壤今城赤何也

且堅如石如金父老相傳云盡鑿龍首山中土以爲城

及諸城闕亦然又按御覽所引是言地黑城赤郡國志

所引乃言長安地皆黑獨城中之地赤彼此違異又按

漢舊儀云長安城中經緯各長三十二里十八步地九

百七十二頃八街九陌三宮九府三廡十二門九市十

六橋地皆黑壤今赤如火堅如石父老傳云盡鑿龍首

山土爲城水泉深二十餘丈樹宜槐與榆松柏茂盛焉

城下有池周繞廣三丈深二丈石橋各六丈與街相直

似卽三秦記原文

長安市有九各方二百六十六步六市在道西三市在道

東凡四里爲一市致九州之人在突門夾橫橋大道市樓皆重屋旗亭樓在杜門大道南又有當市樓有令署以察商賈貨財貿易之事三輔都尉掌之直市在富平縣一作津西南一十五里卽秦文公所創物無二價故以直市爲名張衡西京賦云廓開九市通鬪帶鬪旗亭五重俯察百隧是也太平寰宇記

澍按黃圖又有柳市東市西市有當市樓宮闕疏云長安立九市六在道西三在道東各方二百二十六步

馮翊西北三十里有重泉城卽漢武帝爲李夫人築太平寰宇記

昆明池中有靈沼名神池云堯時治水嘗停船於此池池通白鹿原原人釣魚綸絕而去遂通夢於武帝求去其鉤帝明日遊戲於池見大魚銜鉤帝曰豈夢所見耶乃取鉤

而放之又間三日帝復游池濱得明珠一雙帝曰豈昔魚之報耶藝文類聚太平御覽

澍按一本引云昆明池昔有人釣魚云云不言卽白鹿原人銜鉤作銜索豈夢所見耶作豈不穀昨所夢乎取上無乃字下無鉤字池濱作池邊昔作非

昆明池漢武帝鑿之習水戰中有靈沼神池云堯時洪水停船此池池通白鹿原人釣魚於原綸絕而去魚夢於武帝求去其鉤明日帝遊戲於池見大魚銜索曰豈非昨所夢乎取魚去鉤而放之帝後得明珠太平廣記

澍按西都賦注引云昆明池中有神池通白鹿原大魚如羊在長池中世人食之生癰瘡太平御覽

漢上林有池十五所承露池昆靈池池中有倒披蓮連錢荇浮浪根菱天泉池上有連樓閣道中有紫宮戟子池龍

池魚池牟首池蒯池菌鶴池西陂池當路池東陂池太一池牛首池積草池糜池舍利池百子池玉海

澍按共十八池文云十五池未詳

昭帝母鉞夫人居甘泉宮三年不返遂死即葬之以千人營葬故有千人葬名曰思合墓太平御覽

澍按宋敏求長安志引云鉞夫人居甘泉宮三年不返遂即葬之名曰思合墓昭帝即位追尊為皇太后發卒二萬人起雲陽邑三千戶列仙傳鉞翼後避諱改為弋王褒雲陽記云鉞夫人從至甘泉而卒尸香聞十餘里葬雲陽武帝思之起通靈臺于甘泉宮有一青鳥集臺上往來至宣帝時乃不至三輔黃圖孝武鉞夫人有寵生昭帝妊娠十四月上日聞昔堯十四月而生今鉞亦然乃命所生門曰堯母門所居曰鉞弋宮漢

武故事鉞弋宮在直門之西列仙傳鉞弋夫人齊人姓

趙

昭帝母鉞弋夫人手拳而有國色先帝寵之世人藏鉞法

此也太平御覽列子釋文

澍按一本引云藏鉞因鉞弋夫人世人法此也初學記

引末句云今人學藏鉞亦法此

章帝三年子母竹生白虎殿前時謂之孝竹羣臣獻孝竹頌

澍按詩義曰南中生子母竹今慈竹是也一作述異記

或作秦中記皆非

柏梁臺有銅鳳因名鳳闕史記正義

澍按郊祀志元鼎二年春起柏梁臺食貨志時大修昆

明池治樓船天子感之乃作柏梁臺

柏梁臺上有銅鳳名鳳闕柏梁臺高二十丈以香栢為梁也香聞十里漢武帝元封三年武帝作栢梁臺嘗置酒其上詔羣臣二千石有能為七言詩者乃得上坐帝曰日月星辰和四時梁王曰驂駕駟馬從梁來大司馬曰郡國士馬羽林材一作才丞相石慶曰總領天下誠難治大將軍衛青曰和撫四夷不易哉御史大夫兒寬曰刀筆之力臣執之太常周建德曰撞鐘伐一作擊鼓聲中詩宗正劉安國曰宗室廣大日益滋衛尉路博德曰周衛交戟禁不時光祿勳徐自為曰總領從官栢梁臺廷尉杜周曰平理清獄決嫌疑太僕公孫賀曰修飾輿一作車馬待駕來大鴻臚壺充國曰郡國吏功差治一作文之少府王溫舒曰乘輿御物工一作主治之太司農張成曰陳粟萬一作善石揚以一作管箕執金吾中尉豹曰微道宮下隨討治左馮翊盛宣曰三輔盜

賊天下尤一作危

右扶風李成信曰盜阻南山為民災京兆

尹曰外家公主不可治詹事陳掌曰椒房率更領其材典

屬國曰蠻夷鞠舍一作貢常會期一作舍大匠曰柱枅榑櫨

相枝持大官令曰枇杷橘棗桃李梅上林令曰走狗逐兔

張置一作果愚郭舍人曰齧妃女脣甘如飴東方朔曰迫窘

詰屈幾窮哉宋敏求長安志

澍按栢梁臺于武帝元鼎二年起在未央宮北門內元

封三年賦詩太初元年十一月己酉臺災也

未央宮漸臺西有桂宮中有光明殿皆金玉珠璣為簾箔

處處綴明珠金玳玉階晝夜光明王海

海按初學記引云明光殿在漸臺西以金玉珠璣為箔

寰宇記引云未央宮漸臺西有明光殿一本引云明光

殿在甘泉宮中御覽引云明光殿以金為玳玉為階廣

韻引云明光殿以金玉珠璣為簾箔

明光殿以金為祀玉為階王莽篡位令孺子為安定公孝平皇后為安定太后改明光殿為安定館安定太后居之

宋敏求長安志

桂宮一名甘泉武帝作迎風臺以避暑

太平寰宇記

梁山宮在好時皆文石名織錦城

玉海

澗按太平寰宇記引宮下有城字又按三輔黃圖古公

踰梁山邑于其下即此

未央宮一名紫微宮

西京賦注

澗按高帝本紀蕭何治未央宮立東闕北闕前殿武庫

太倉闕中記東有蒼龍闕北有彗武闕彗武所謂北闕

又宋敏求引無微字

未央宮有朱鳥堂非常室畫堂甲觀

玉海

澗按應劭云甲觀在太子宮甲地主用乳生也畫堂畫九子母如淳云甲觀觀名畫堂堂名顏師古云甲者甲乙丙丁之次也畫堂但畫飾耳應劭說謬矣非常室二字宋敏求引有據補

未央宮有堯閭闔闔

玉海

澗按中之正門曰未央高二十五丈亦曰璧門

漢武帝果園有大棗十五枚為一斗

初學記

澗按太平御覽引斗作升

漢武帝園一名樊川一名御宿有大梨如五升瓶落地則

破其主取布囊承之名曰含消梨

初學記

澗按三輔黃圖引云御宿苑出梨

一作棗

十五枚一勝大梨如五勝落地則破其取梨先以布囊承之號曰含消

此園梨也括地志亦引三秦記之含消梨又按顏師古

漢書注御宿今長安城南御宿川也羞宿聲相近故或云御羞或云御宿三輔黃圖御宿川武帝離宮別館禁禦人不得往來上宿其中故曰御宿

長安城西有畢陌西北有孝里畢陌西有白起墓西征賦注

直里園有漢武帝果園玉海

新豐界有鳳皇原以鳳集得名太平寰宇記

風門在新豐縣東南兩阜相對其所多風太平寰宇記

渭水橋西有溫水初學記

隴西關其坂九迴不知高幾里欲上者七日乃越高處可容百餘家下處數十萬戶其上有清水四注俗歌曰隴頭流水鳴聲幽咽遙望秦川心肝斷絕去長安千里望秦川如帶關中入上隴者還望故鄉悲思而歌則有絕死者太平御覽

澗按太平寰宇記引云隴渭西關也其坂九回不知高幾許欲上者七日乃得越絕高處可容百餘家下處數十萬戶山頂有泉清水四注東望秦川如四五里俗歌曰隴頭流水鳴聲幽咽遙望秦川肝腸斷絕去長安千里震關遙望秦川如帶關中入上隴者想還故鄉悲思而歌有絕死者

隴坂其坂九迴不知高幾許欲上者七日乃越高處可容百餘家清水四注下山東人行役升此而顧瞻者莫不悲思故歌曰隴頭流水分離四下念我行役飄然曠野登高望遠涕零雙墮度汧隴無蠶桑八月乃麥五月乃凍解郡志

隴渭西關其坂九迴上有清水四注流下俗歌曰隴頭流水流離西下念我一身飄然曠野西上隴坂羊腸九迴山

高谷深不覺脚酸手攀弱枝足踰弱泥下缺隴頭流水流
離山下念吾一身飄然曠野鞭發欣城莫宿隴頭寒不能
語舌卷入喉隴頭流水鳴聲幽咽遙想秦川心腸斷絕古今

樂錄小隴山一名隴坻又名分水嶺太平御覽

河西有沙角山峯崢危峻逾於石山其沙粒粗色黃有若
乾糲又山之陽有一泉云是沙井泉縣歷古今沙不填足
人欲登峯必步下入穴卽有鼓角之音震動人足郡國志

樹按北堂書鈔引云河西有沙角山山頭堆沙則鼓角
鳴又按嶠寰宇記引作嶽御覽作岩無色字填足寰宇
記作沙填不滿登峯作入穴步下有倒字

仇池山上有百頃池地平如砥其南北有山路西山絕壁
百仞上有數萬家一人守道萬夫莫向山執自然有樓櫓

卻敵之狀東西二門盤道可七百里上有岡阜泉源史記
謂秦得百二之固也太平御覽

樹按太平寰宇記引云仇池山上有百頃池平如砥其
南北有山路東西絕壁萬仞有數萬家一人守道萬人
萬向山執自然有樓櫓卻敵之狀東西二盤道可七百
里上有岡阜泉源又按初學記引云仇池號百頃上有
百頃池壁立百仞一人守道萬夫莫向

仇池縣界本名仇維山上有池故曰仇池山在滄洛二谷
之間常爲水所衝激故下石而上土形似覆壺太平御覽後漢書注
敦煌西盡大秦隔海心無憂遇善風不經二十日得渡心
憂數年不得渡諺曰心無憂患不經二旬心若憂患遠離
三春其土人質直男女皆長一丈端正國主遇風雨不和
則讓賢而治之太平御覽

澍按後漢書和帝永元中班超遣掾甘英使大秦抵條
支臨大海欲渡而安息西界船人謂英曰海水廣大寰宇記
作闕往來者逢善風三月乃得渡若遇惡風雨寰宇記
遲亦有三歲者故入海人皆齎三歲糧海中善使人思
土戀慕數有死亡者英聞之乃止又大秦國名犁鞞卽
前漢時犁鞞國又名拂菻國在西海之西其王治都安
城宮室柱稅皆以水晶琉璃爲之貴臣十二共理國事
今漢書作置三十其王無常人簡賢者立之國有災異
六將皆會議國事及風雨不時卽共廢之有鳥似鷺毛綠色常在王邊倚
枕上坐每食有毒其鳥輒鳴也此段與三秦記相符
鰲魚肥炙甚美故諺云盜去累世宅不棄鰲魚額

澍按此三秦記文太平御覽引作三輔決錄誤今改入
中平五年分漢陽置南安郡劉昭續漢書注

澍按元和志南安郡漢靈帝立此是十三州志文疑劉
誤引

三秦記

順德龍鳳鑣校栞

三秦記

栞

